

Johann Lauremberg

**Rector Academiae Rostochiensis Joannes Laurembergius Phil. & Med. D. Ad
Exsequias Quas ... Foeminae Euphrosynae ... Vir, Dn. M. Petrus Sassius, Logices
Professor meritissimus, Uxori desideratißimae, & liberi moerentes matri parant,
cohonestandas, Omnes omnium ordinum cives Academicos amanter & officiose
invitat**

Rostochi[i]: Pedanus, 1620

<http://purl.uni-rostock.de/rosdok/ppn777520583>

Druck Freier  Zugang



Lauremberg, J.,
in E. Hagemeister,
uxor. P. Sass.

R. 1620.

77.

RECTOR
ACADEMÆ ROSTOCHIENSIS
JOANNES LAUREMBERGIUS
Phil. & Med. D.
Ad Exsequias

Quas

LAUDATISSIMÆ FOEMINÆ
EUPHROSYNA

Clarissimus & Prastantissimus Vir,
DN. M. PETRUS SASSIUS,
Logices Professor meritissimus,

Hagemeyer
et 26 Maii
1584.

Uxori desideratissimæ, & liberi marentes
matri parant, cohonestandas,

Omnes omnium ordinum tives Academicos ampler
& officiosè invitati.



ROSTOCHI

Typis exscripsit JOACHIMUS PEDANUS,

ANNO M. DC. XX.



RECTOR
Academiae Rostochiensis
JOANNES
LAUREMBERGIUS D.
ET POESEOS PROF.

Nter epularum delicias,
solemnesq; comedessatio-
nes Aegyptij ligneum ca-
daver ad mortui homini-
nis similitudinem effi-
ctum circumferebant,
singulisq; adspiciendum
proponebant, acclamantes, ut in illud in-
tuerentur, seseq; oblectarent, tales futuri
post mortem: Aut herbarum fœnive ma-
nipulum conto suspensum inter choros &
laeta saltantium tripudia ergebant, ut spe-
ctaculi

XX. M. ANNO A.D. 1622.

Etaculi hujus intuitū fragilitatis humanæ
admonerentur convivæ, animoq; secum
perpenderent, se herbarum ac florum in-
star esse, qui licet aliquamdiu venustate suâ
oculis blandiantur, mox tamen radiorum
solarium violentiâ tacti marcescāt & emo-
riantur. Nobis non opus est ligneo quod
intueamur simulacro, aut alligato perticæ
fœno; dies quilibet, quævis hora, & hodi-
erna etiam lux fragilem vitæ nostræ condi-
tionem, & mortalitatis memoriam nobis
recentat, ostenditq; quâm simus brevis &
incerti ævi animalcula homines, quorum
quantò ab ortu remotior ætas, tantò occa-
sui & morti est propinquior. Et hæc mor-
talis vitæ miseria eò miserior evadit, quòd
tantillum hoc ævi quiete & sine labore
transfigere nobis non liceat, sed quòd opti-
mum in hac vitâ, sit labor ac dolor, & quòd
velut quotidiano morbo laborans homo,
quamdiu vivit, desperatus ac deploratus
videatur: corpus infirmum, rerum o-
mnium injuriæ & iniurianti obnoxium:
mens invalida, cæca, improvida: volun-

tas illustrari impatiens, ut ægri palatus,
noxia semper appetens, & profuturis ini-
mica miscens, sanaturo aspera & intracta-
bilis; totus deniq; homo servus rerum,
quarum erat Dominus. In hac ægrotatio-
ne quantillum temporis agimus! Senectus
vix pubescentes premit, quos dies prior
viderat nascentes, posterior cernit effætos
& moribundos, adeò ut immerito repre-
hensus videatur à Phalareo Euripides, quod
homines appellari *φυγέες*. Cogit nos in-
hujus rei memoriam descendere dies præ-
sens, quo extremum honorem persolvi-
mus matronæ laudatissimæ EUPHROSYNAE,
Clarissimi & præstantissimi Viri, Dn: M.
P E T R I S A S S I I uxori, quam mortalis in-
doles, & impositus fœmineo sexui labor
mortalitatem coëgit deponere. Non illam
potuit familiæ decus, nec virtus propria,
nec virens adhuc ætas tutam præstare ab-
ijs quibus vita hominum obnoxia est, tem-
pestatibus; sed homo nata, humanitatis
jura persolvit. Initium autem mortalitatis
hæc piè defuncta EUPHROSYNA cepit
Gustro-

Gustrovij, anno 1584, die 26. Maij, parentibus honestissimis, è primaria in istâ urbe familia: patre BERNHARDO HAGEMESTERO, Senatorij ordinis viro: matre ANNA OMICHA, feminâ honestissimâ: à quibus, uti & postmodum à nobilissimo & prudentissimo viro Dn. JOANNE SANITZIO, Senatore ejusdem Reipub. Gustrovienis dignissimo, qui eam non secus ac ex se prognatam adamavit, ad pietatem, omnemq; virtutis cultum, quo muliebris sexus laudem & gloriam meretur, sedulò educta, virginalibus dotibus floruit: donec jam matura viro, aliquot post patris obitum annis, auspicio divini numinis, in matrimonium collocata fuit Clarissimo ac præstantissimo Dn. M. PETRO SASSIO, Logices Professori meritissimo, collegæ nostro honorando, Anno 1605, die 5. Februarij: quo cum in suavi ac concordi vivit conjugio, marito jucundissima & ~~φερνη~~, rei domesticæ administratrix sedula, pietatis, castitatis ac reliquarum virtutum matronalium exemplum. In quo conju-

A 2

gio

gio largam Dei benedictionem tum in re
familiari , tum quod donum est maximum
in ~~annis~~ experta, mater septem liberorum
facta est, filiorum duorum , & quinqu; filia-
rum , è quibus per Dei gratiam sex adhuc
supersunt. Cùm verò ipsa quoqu; proinde
ac reliqui mortales, fœnum fuerit, & ut ro-
sa intumescente calyculo , jam septimâ vi-
ce vivum germen pullularet , ecce super-
veniens imber ac pruina catharrica , & tu-
sis vehementioris tempestas , florem hunc
jam pleno folliculo concutere cepit , ac
mox caput demittere coëgit. Quamvis
autem pro temporis & conditionis ratio-
tione expertissimi Medici omnem adhi-
buerint diligentiam , ut pharmacis conve-
nientibus vacillantem hujus floris caulem
stabilirent, superavit tamen exaucta magis
magisque; tempestas , & elusit omnem medi-
corum operam : tandemque; tuassis hæc in
tabem degenerans , lecto jam inde usq;
à festo Paschatis eam affixit. Accedentibus
deinde partus laboribus , die 25. elapsi men-
sis Junij filiolum enixa quidem est salvum
8. in-

& in columnen, sed ipsa usq; adeo debilitata
fuit, viribus morbi diuturnitate jam ante
attritis ac prostratis, ut in crescente morbo,
omnemq; medicinam respuente, tandem
coacta fuerit succumbere. Phœbæam
volucrem memorant scriptores, cùm se-
nectam exutura novus ales renasci cupit,
casiam & staten, aliaq; pretiosissima aro-
mata colligere, indeq; sibi rogum exstrue-
re, qui radijs solaribus animatus redivi-
vam a viculam regerminat: Hæc quoq; piè
defuncta matrona, cùm morte suâ soboli
nascenti cunabula parâda esse animadver-
teret, è pretiosissimo, quod cœlum ac terra
continet, thymiamate, pyram sibi exstruere
voluit: itaq; viatico corporis ac sanguinis
salvatoris nostri refocillata, & haustis è pu-
rissimo Israëlis fonte consolationum scate-
bris, præeunte Reverendo & præstantissi-
mo viro Dn. CONSTANTINO FIDERO,
recreata ac corroborata, senescentis mun-
di hujus torporem & calamitates exuit,
interq; moestissimi mariti & liberorum am-
plexus & gemitus in cœlestē patriam com-
mi-

migravit 14. die Julij, intra 3. & 4. matutinam. Hujus beatissimæ matronæ exsuviæ cùm hodie horâ media secunda ad sepulturam efferendæ sint, omnes jurisdictioni nostræ subjectos Academiæ cives, Professores, Doctores, Magistros, Verbi divini ministros & studiosos juvenes monemus & exhortamur, ut ad declarandam erga Clarissimum virum Dn. M. PETRUM SASSIUM, de hac Academiæ optimè meritum & quotidiè merentem, tûm etiam in recordationem propriæ mortalitatis, & fugacitatis vitæ humanæ, solemnia hæc funebria suâ præsentia frequenti exornent ac cohonestent, in templo Divæ Virgini sacro convenient, & illud defunctæ huic matronæ præstent, quod omnes ac singuli quondam ab alijs nobis præstari opus habebimus. P. P Rostochij 17. Julij, Anno CL C. XX.





Universitäts
Bibliothek
Rostock

[http://purl.uni-rostock.de
/rosdok/ppn777520583/phys_0016](http://purl.uni-rostock.de/rosdok/ppn777520583/phys_0016)



& in columnen, sed ipsa usq; ad
fuit, viribus morbi diurnita
attritis ac prostratis, ut increse
omnemq; medicinam respue
coacta fuerit succumbere.
volucrem memorant scriptor
nectam exutura novus ales re
casiam & stac̄ten, aliaq; pretie
mata colligere, indeq; sibi rog
re, qui radijs solaribus anim
vam a viculam regerminat: Ha
defuncta matrona, cum mort
nascenti cunabula parāda esse
teret, è pretiosissimo, quod coe
continet, thymiamate, pyramidis
voluit: itaq; viatico corporis a
salvatoris nostri refocillata, &
rissimo Israēlis fonte consolati
bris, praeente Reverendo & p
mo viro Dn. CONSTANTINO
recreata ac corroborata, senectu
di hujus torporem & calamitatem
interq; moestissimi mariti & libe
plexus & gemitus in cœlestē pa

